

劫

餘

詩

選

劫餘詩選卷十三

婺源 齊學裘 子治

癸酉元旦于婿漢卿作詩一律次韻答之

聖主今年始親政祥光普照歲朝新
伏波銅鼓平西域霄漢眾星拱北辰
百千萬國全歸貢三十六官都是春
聞道嶺梅花已放連番瑞雪壓枝勻

方子箴都轉和余消寒長歌再次前韻酬之

君不見古之無賴出英豪立地成佛放屠刀
又不見今之英豪出詩伯氣吞蘇海兼韓潮
光怪陸離眩人目如觀珠貝和珊瑚
蒼蒼鳥道深且險五丁自闢非人招水流

花開人跡絕惟見碧嶂凌雲高
漱澹春波桃葉渡芬芳
秋氣蓮花橋恍聞深夜隣
家笛如聽引鳳秦庭簫景象
萬千詩世界求疵一任人吹毛
君好賦詩有詩癖苦吟
未老頭先搖手無寸鐵
鬢白戰燭短非爲檢書燒書懷
自寫平生志贈答深憐萍梗飄
久主坵壇執牛耳何曾
膚撓而目逃柔固不苟剛不吐
山真可挾海可超廊廟
山林同臭味昌黎賈島相推轂
自慚才陋學膚末大敵
當前詎敢驕願向康衢歌擊壤
不師屈子作離騷杜陵
廣廈庇寒士淵明舒嘯登東皋
安得長繩繫白日魯陽
戈在吾其操古稀以外年餘幾
得誦君歌舒鬱陶壽我

以詩意未盡復開東閣醉春醪筋力貨財非我禮詩以
報之重揮毫已把火又頻賦雪何妨詠月限敵稍元旦
聯吟詩稿出洛陽紙貴羣爭鈔君和癸酉元旦詩錄者甚眾嗟余裘
敝朔風壓春到人間寒未消不是管城爲老伴空齋何
以永今宵留連邗上二分月遠離山虎并橋蛟且喜謝
安碁墅近蒼生甘雨霑崇朝

二月初一日方都轉舟停三汊河阻雨復次豪字
韻作長歌郵寄寓齋時已二鼓明日適同鄉友
俞雪齋茂才程植三嵯尹游史公墓登梅嶺三
疊前韻作詩紀游并呈都轉

紙窗竹屋興自豪老去猶看昆吾刀君行汶河舟阻雨
吟聲高壓廣陵潮長篇寄我意深厚得詩如得美瓊瑤
斯時庭梅吐新萼老鶴下雲不費招雪飛蓬集盤空舞
六翮一振冲天高春風風人游興發驢背敲詩來灞橋
翠羽如迎探春客曉風遠送賣餠簫幽香陣陣撲人鼻
詩思紛紛叢蝟毛看花蒙我一天霧落筆輸君五岳搖
美人林下月自照無須銀燭夜高燒一坏萬古忠公墓
梅花嶺上風飄飄我立花前默無語作詩火速如追逃
史公精忠貫日月史公文采真高超徘徊花下不能去
忽聞蕭寺蒲牢敲聲聲喚醒揚州夢荒煙蔓草盤天驕

眼底滄桑幾遷變胸中磊落無牢騷尋芳訪勝邀同志
一筇雙屐之林皋君乘車兮我戴笠兼善獨善各守操
得一知己可不恨何分耕讀與漁陶今者不樂逝其耄
呼童提壺沽村醪萬事不如杯在手興酣揮秃兔千毫
無用文章可娛老詩成喜氣上眉梢逍遙物外離塵俗
流罷新詩手自鈔禹之治水行無事疏河正及冰初消
都轉有儀真疏河之役回首魚龍鬧燈節千金一刻是元宵與君
更唱而迭和何殊起鳳兼騰蛟笑予飢腸蚯蚓叫苦吟
依舊忘昏朝

謁史公墓二首

倚杖展公墓嶺梅花正開一坏千古峙三客衆香來臣
職無遺恨天公不可回休談興廢事且覆掌中杯
直上梅花嶺妙香容我聞繁英插晴昊疏影卧斜曛血
淚飄千點冰輪照二分傷春更傷別愁絕杜司勳

二月初四日同鄉友平山堂探梅雪航長老招食
伊蒲饌復到養志園探梅漢卿壻煮茗以待歸
途得詩以紀勝游

昨日探梅史公墓弔古憫忠吟短句今日探梅到蜀岡
繁花冷豔烘斜陽題詩恐惹歐蘇笑飽餐蔬筍發長嘯
憑闌愛看隔江山江山怪我不知還尋芳訪勝日復日

忘却年華過七十不思荒徑關三三偏向殷家尋七七
西山日落側金盆還要探梅養志園拜別詩僧下山去
竹籬茅舍雞犬喧隴上寒梅正初放羅浮鄧尉何多讓
紅英綠萼鬪芳菲翠羽明璫幸無恙此是素安卧雪時
也勞孟浩騎驢訪梅源山下是吾家予家婺源梅源山下老屋疎
籬近水涯江山勝麗長留戀閒煞門前萬樹花

贈吳禮閣

寶清

觀察二首

雄姿英發看吳鉤真是人間第一流與可胸中有成竹
庖丁目下無全牛延令聯句懷先德邗上尋詩結勝游
珍重家傳三管筆文章事業繼千秋

同儕交笑老詩狂
運水搬柴無此忙
隨筆見聞增故實
有情花月付奚囊
三生忽忽去來幻
一夢遽遽物我忘
幸得故人猶有子
慰予寥寂到茅堂

吳禮園次韻見贈再用前韻答之

纖纖新月又如鉤
雪自行兮水自流
涉世非夷亦非惡
任人呼馬復呼牛
百千萬劫悲邪上
三十六峯思舊游
拔劍不須歌抑塞
握瑜懷瑾富春秋

髮無可白興偏狂
終日尋芳訪勝忙
座上有朋抄拙稿
厨中無米挂空囊
奇才曠代真難得
好句如仙不肯忘
豈有龍鍾能善舞
羞教白日去堂堂

方都轉三疊前韻和余探梅長歌四疊前韻答之
寒消九九詩更豪割雞一笑用牛刀詩筒往返何所似
有如江上去來潮三疊韻詩和我作一字一珠一字瑤
書來約我詰朝見不速之客何勞招客子瓊瓊如鶴嬾
主人氣義薄雲高游春脚著謝公屐杖藜時過大虹橋
禰衡悲憤三搥鼓伍子窮途獨倚簫我有何能頻贈句
笑同千里送鷺毛身安已如磐石固心定不作懸旌蟠
花散漫天身不著丹煉爐火炭長燒斬斷葛藤得解脫
別無骨肉隨空飄閬仙敲詩獲知遇金谷罰酒誰能逃
孫登用薪保其燿元亮樂天何其超醒醉覺夢鐘自動

逞妍抽秘鉢休敲明月二分詩境曠春風十里馬蹄驕
歷盡兵戈千劫後形如槁木鬢刁騷乘興而來思見戴
賃簪廡下幸逢臯事無巨細君自決豈獨文墨爲躬操
古寺平山增氣色名流寒士蒙甄陶詩吟東閣梅花什
酒泛洞庭春色醪自是君身有仙骨眉間蚤已垂壽毫
白門于役回轅日當見紅杏出牆梢六朝山色歸游草
客我焚香仔細鈔年將六十宜先祝離愁頓向壽觴消
長歌百回讀不厭和之足以永今宵雨聲竟日農家喜
安用漁人去伐蛟天明雨止旭日出仲春之月十三朝
三月初六日繪南山松栢圖頌爲方子箴都轉五

十九歲壽

南山松柏甘雨慈雲是壽者相現宰官身詩龜萬首若
墅一枰筆補造化澤潤蒼生壽真無量畫出有名隨意
揮灑不關不判以介眉壽以答高情時維春季日暖風
清

三月二十八日張石朋太令邀看牡丹於流水橋

虹西草堂得詩三首

鎮日東皇費翦裁鼠姑報道幾枝開主人高卧病初起
客子間游詩又來國色天香真富貴小橋流水映樓臺
看花老去情彌篤如醉如癡往復回

不是花中第一流芳名那得著千秋環肥燕瘦美而豔
活態穠姿溫且柔如此紅顏難比色笑儂白髮竟盈頭
蜂狂蝶恣真無賴喧鬧花叢未肯休

沈香亭北想當年樂奏清平慕謫仙龍麝氤氲舊舜日
雲霞綺麗燦堯天回思勝會有誰在道光間余來揚州與左精石太守嚴
問樵太史符南樵孝廉東園賞牡丹飲酒賦詩今皆歸道山矣顧影清流空自憐亂後
名園都落寞憑闌能不感華顛

三月三十日同吳農山茂才

寶謨

游壺園弔何蓮

舫太守二首

壺公儘有容身地我到壺園不見公樓閣參差籠眾綠

階除歷亂點殘紅九華雪浪銘坡老萬首詩龔築放翁
騎鶴而來騎鶴去揚州夢覺十年中

蕪城平地起林皋妙手空空不憚勞舞榭歌臺殊氣候
美人香草續離騷門前羅雀真堪慨疇昔鳴騶足自豪
開到辛夷與君約再來壺裏醉醕醕

吳子徵封翁

啟

菟裘築成別我歸京江詩以送之

湖海論交六十年晚來幸遇地行仙情同手足常留戀
話到分離便泫然已築菟裘可歸老能收墨寶是前緣
翁藏顏魯公懷素書王右軍筆勢十
二章墨蹟真希世之珍海內中觀也見聞續筆功圓滿
北固山頭訪米顛

四月初四日同左海帆戴澤民游南來觀音禪寺
亂石中搜出阮太傅元手書碑記云觀音堂舊
爲南來觀音禪寺前明新城未造以前所建乾隆
間江方伯春因南巡駐蹕康山設欲因
寺拈香遂改爲觀音堂元因夢兆尋得舊扁仍
易之以復其舊庶與康熙前北來寺相對方伯
爲元舅祖也時道光丁未佛臘日太傅阮元記
咸豐間寺遭兵燹佛象幸存大殿後堂尚留十
間餘皆盡毀寺僧昌輝師徒四人供奉香火惟
願大善士一朝新之功德無量因作長歌以寄

盛衰之感云

揚州南來觀音寺建自新城未造前當時香火稱極盛
經堂丈室如雲連 南巡駐蹕康山日江藩改寺爲

堂烏阮相因夢得舊扁易堂爲寺還舊觀勒碑紀事置
殿側落落數語論其源自從西賊犯邗上多少禪林遭
火焚此寺佛象幸無恙前殿後堂留十間香積厨與方
丈室空餘斷臄和頽垣我來禪寺值春暮赤日當頭如
火然同游二客左與戴琴晝賞鑒皆時賢春風吸茗談
風雅亂石尋碑結墨緣老僧迎客衲百結小榻倚楹繩
半穿黃蘆壁壞不蔽雨破竈塵積無炊煙大士慈航終

自在

殿前有自在慈航四大字舊扁

救苦救難彌人間觀音金身光炫

目

僧云大士裝金殿前帟扇皆方夫人功德故并及之

琳宮不日高插天自有大

人發大願住持何用苦憂煎阮相已杳誰其繼季布一

諾功滿圓

謂方都轉

重游定見鐘鼓備

寺內有鐘無鼓

信我佛力真

無邊

登康山放歌呈方都轉

康山一撮臨邛溝昔年未到今始游倚杖山顛遠眺望
煙江疊嶂開雙眸金焦兩點矗螺蛤布帆幾片飛鷺鷥
綠楊城郭仍如舊人煙寥落非前稠荒園蔓草走狐兔
顏垣怪石橫林邱雕梁畫棟化烽去殘碑斷碣憑誰搜

南巡駐蹕康山下

御題詩扁存山頭紅巾蹂

躡堂室廢獨此一石居然留也知造物有深意故將

宸翰鎮楊州盈虛消長本天道陵谷遷變斯其尤眼

前所見皆幻境大都海市和蜃樓天際白衣變蒼狗世

間滄海成桑疇一治一亂等寒暑循環不已何時休惟

有少陵萬間之廣厦白傅千丈之大裘刀兵水火了無

礙不動不壞傳千秋靈光不昧照天地根塵解脫登瀛

洲瀛洲豈在弱水外方寸之間自可求百年歲月一彈

指去來今世同浮漚坡仙願學長不死牛山出涕誠堪

羞

立夏日同戴澤民張子猷史公祠看芍藥花尚未
放作詩紀之

蛺蝶翩翩舞曉風
引人入勝到芳叢
留春不住憑君殿
琢句難成借酒攻
金帶圍腰懷絕艷
祠堂回首弔孤忠
當階無限憐花意
盡在含苞未放中

四月十一日漢陽設清齋養志園邀方外雪航浩
月蓮依親友王漪生毛善長與余飲酒賞罌粟
花得詩一首

老年無事看花忙
又探米囊到壻鄉
彩色麗春春已杳
杯盤延夏夏初長
半僧半俗皆同志
不郭不村一隱莊

飽食清齋談怪異興酣還要上山堂

冒雨游平山堂登平遠樓眺望江南諸山口占一

律題壁

平山堂側起樓臺擲杖登臨亦快哉六一風流欣復見
謂方萬千桃柳看新栽梁間雙燕惜春去江左諸山迎
都轉客來雨灑長空留小坐甘泉多飲幾深杯

四月二十四日平遠樓前芍藥盛開雪航長老招

飲適逢湯君敦之

世厚

陳君百生馬君貞卿載

酒後至遂與雪航同飲花下歌以紀之呈諸君

子

我生愛花如性命揚州芍藥天下勝雪航長老折柬招

平遠樓前花極盛興夫負我來蜀岡赤日常午炎風狂

到門一僧如鶴立引我小坐東禪房窗前竹石幽且邃

作畫論書得佳趣

余爲僧畫便面

消渴頻嘗第五泉惜春要作

將離賦好友乘舟載酒來花下相逢笑口開賞心樂事

那有此名花名士名僧陪葷素雜陳茶酒間魚肉味遜

筍豆莧天然頭陀名不虛

余別號天然頭陀

貪食伊蒲年來慣

人生行樂須及時年逾七十古尤稀花光豔照玉堂客

祥瑞重徵金帶圍老夫逢場猶作戲詭浪笑傲人爭避

老顛癡伯久馳名方外名流不我棄當階紅藥翻復翻

吟翁嘉客皆歡顏
歐蘇遺韻今猶在
宴客山堂尙未還
是日方都轉
我醉高歌花亂舞
明年花發人何處
把酒
酹花花粲然
綽約臨風嬌欲語

待月謔早秋聯句

秋來廿四日

方子箴

季夏閏過半方欣殘暑銷

吳禮

陡覺

物華換小疾霍然愈

許叔平

老顛笑且粲三句園再窺

玉

簪眾卉雲霞爛新月甫上弦

管才叔

簪盞莫輕散

箴

好花如美人

箴

照此天上鏡夜夜懸清輝

禮

新粧一何

靚素心媚孤芳

叔

絳幘宛雄勁如他葉作花

玉

傳得雁

來信秋豔勝春華

才

况有柳腰勝

六枳紛引蔓

箴

紅紫互依附青桐交蔭三

禮

緣延爪與

瓠蛾眉燦吐英

叔

松裊錦厥護高低障西風

玉

秀實池

甘露何必山林幽

才

自在啟禪悟

箴

新種竹皆活

箴

蒙密三百竿濃綠映軒牖

禮

一雨滋檀

樂誠祈迓天貺

叔

吾室真隨安還思出西郭

玉

龍輿登

場謹此樂城野均

才

別思縈七千

箴

叔

平才叔禮

皆將赴白門秋試

禮

三君皆雅才

箴

跌宕殊可喜同舟向白門

禮

高躅邁郭

李老癯強自豪

叔

鼓勇摩戰壘鳴蟲儼相和

玉

鷺島舊

將起干觴慎莫辭

才

衣鉢可傳矣

箴

予門下士

鑑山為

七月初九日方子箴都轉邀余同許叔平管才叔

吳禮園小集待月謔新秋聯句五首越日用聯

句韻作詩五首呈都轉

秋風容易起一年又過半月餘未窺園景物隨時換秋
花一何豔有如繁者繁愛此滿庭芳何啻盈門爛主人
典最豪留客不教散

天上白玉盤鑑物明如鏡初弦破雲出半面妝何觀舉
頭望清輝頗畏涼飈勁生年逾古稀到此傳衰信指月
語同儕嬌似待年媵

素性耽清涼炎熱怕趨附涉世如繫匏清齋甘食瓠遭
劫偏不死豈有神鬼護碧翁憐細草時時施雨露天然

老頭陀一笑得大悟

使君風月主手植青琅竿簪當千萬个綠蔭已團欒飄
飄凌雲氣日日報平安歐蘇今復見宴與眾賓譚離筵

三客起別思馳江干

許管吳三君
赴白門秋試

我生百無能一嬾聊自喜湖海遍交游投桃輒報李飛
將戰文場老孱守故壘忽聞蟋蟀鳴秋思猛然起乘醉
返隨庵夜近三鼓矣

哭張石朋大令

德望

一首

勞我以形息以死君今先我撇塵寰何期酒店同酣醉
從此詩筒絕往還長抱痾瘵審眾疾頓拋椽筆返仙山

君有審疾圖酬筆圖
余題長歌於卷末
清談入妙思無盡細讀遺書涕淚
潛

爲廬山修梅上人畫廬山圖題詩四首

風包雨笠到刊上
夏去秋來感物華
第五泉清堪滌筆
供君日日寫梅花

未見廬山真面目
聊憑意造畫廬山
要挽飛流洗塵俗
他年相約共躋攀

前身我亦一頭陀
聞說名山便嘯歌
來是行雲去流水
了無罣礙樂如何

大千世界視微塵
一粟滄溟渺此身
祇有墨緣猶未了

塗鴉已越古稀春

題自畫山水巨幅爲凌夢湘雲茂才作

東坡作書憑意造不拘古法法自老我作六法法無法
飛渡弱水登蓬島繩束解脫透網鱗龍蛇飛動如張草
筆惟能簡意能繁無筆墨處常探討胸少唐郎數卷書
東村筆氣終枯槁

明周東村爲唐六如師東村畫遠邇六如人謂其胸少唐郎數卷書也

畫工喜習時世妝施粉施朱聲價噪村姑里婦聚一堂
俗眼一見都道好羅浮之仙洛水神世人未見那知寶
胡琴琵琶聲嘈嘈塵耳一入銷煩惱大雅堂前奏古樂
翻使愚夫笑絕倒夏蟲不可與語冰要與人間知者道

夢湘居士人中豪西山爽氣長在抱獨具隻眼賞鑒精
時風世態一齊掃持紙索畫信筆揮腕底風雲起晴昊
忽聞雲外一聲鐘儉腹頓成題畫稿長歌書罷倚南窗
仰見遙天秋月皓

九月六日邀同會賡虞工部

長治

游史公墓梅花

嶺觀音山平山堂返至于漢卿養志園小憩歸
途得詩二首呈賡虞

勝地流連自有因九秋難得遇良辰揚州猶賸二分月
遇客欣逢一雅人疊嶂隔江看入畫甘泉煮茗啜怡神
高僧對榻談空妙詩思禪機孰比倫

謂雪航上人

詩人筋骨老偏強不怯秋風如虎狂恍到龍山頭落帽
經行梅嶺淚沾裳愍忠人拜衣冠墓養志園成碎錦坊
屈指重陽佳節近與君攜手陟高岡

次韻奉和曾廣虞工部見贈之作

好詩好友結深緣世路窮通總聽天失馬塞翁偏受福
得魚釣客每忘筌須彌一粟猶能納散帚千金任自憐
知否山靈慕名士心旌久已爲君縣

君詩有久住淮揚名勝地未能流覽

意縣縣之句故及之

幸遇人間曠代才解牛夢蝶寓言賅不思彭澤間情賦
曾見廬山真面來九萬鵬飛當直上一雙魚寄勿遲徊

客中無物堪持贈預祝調羹書詠梅

余書少作梅花詩三首挂屏四片奉

贈故并及之

九月初八日雨窗遣興寄懷賡虞并憶小麓少由

樸齋諸弟

我好游山如食蜜忘却年華過七十前朝攜友到蜀岡

頃刻花開逢七七

雪航善種蘭

煎茶飽飲第五泉吟詩信筆

書幾篇吾適吾事時如此何必妄想千秋傳人生在世

貴適意得錢沽酒謀一醉從來知己最難逢相逢那忍

失交臂舊雨散落如晨星空餘江上數峯青留得雪航

一開士知老顛是在家僧

余別號在家顛和尚

頃來金馬玉堂客

謂賈 變看邢江秋月白夏去秋來過隙駒邂逅相逢如

舊識君家世居在南城與我星源屬比鄰小住燕城六

月息官居工部詩入神公瑾醉人如醇酒風流儒雅真

吾友名山勝境未壯觀數月偏遭病癰糾廣虞忠疾初愈秋高

氣爽筋骨強相邀同訪平山堂亂後來游多蔓草隔江

遙見山蒼蒼梅花嶺側史公墓到此徘徊不忍顧小憩

塢家錄志園領略田莊疎野趣木末亭前野色寬雲端

露出觀音山黃花翠竹爭留客日暮啾啾飛鳥還歸途

得詩索君笑獨坐蕭齋發長嘯一鉤新月挂簾櫳竟夕

秋風吹料峭風停雨至鼓詩腸兩箇詩筒往返忙更唱

迭和忘寢食人言明日是重陽身無六翮難沖舉不能
遊山且看雨流連江北憶江南諸弟登高在何許

九日雨後同友人瓊花觀樓登高得詩二首

揚州已過三重九

己巳壬申癸酉

百尺樓頭快大觀雨散山來

招讀畫雲開日出照憑闌苦無好句酬佳節幸有良朋
結古歡鄉國不須頻悵望且尋平處放蒲團

行樂人生須及時老逢佳節倍珍之文傳質樸歸真實

是日接到方子箴都轉惠撰雲起樓詞序傳作也故并及之

友恨相逢便別離

曾廣興工

部別我

多謝白衣來送酒飽看黃鞠可無詩登高諸弟

知何處手把茱萸插向誰

小麓少由樸齋諸弟在江南并念及之

劫餘詩選卷十四

婺源 齊學裘 子治

甲戌正月十五日探梅養志園子婿漢卿置酒遠
山草堂同坐龔少卿馬慎卿于六鷗少湘鶴伯
作詩一章用韓文川雨中遣懷詩韻

入春將一月探梅逢伴侶把酒養志園
枝頭聞鳥語啁啾如索詩覓句渾忘苦
落日側金盃歸途喜無阻第一
離恨天要倩媧皇補時方都轉赴省未回轅故及之白石可療飢且學
山農煮王元章善畫梅號煮石山農

十七日雨窗遣懷再用前韻

春禽求友鳴人胡不思倡舊雨如晨星新知堪與語餘
生出虎口賊中來辛苦滄桑閱變更關山歷險阻得魚
筌勿忘亡羊牢速補莫訝庖厨空尙有菜根煮

孫小尹韓文川張子希三君連次倡字韻見脉三
用前韻作詩奉酬

富貴多親朋貧賤少儔侶何期客天涯得聆道者語快
讀清余心如嘗佳茗若出郭約游春泥濘道路阻疊韻
再吟詩義漏從新補一醉忘百憂呼童將酒煮

張子希運同

克題余畫冊次韻奉酬

我生素性本豪邁點染山河心便快祇知天地是吾師

那問南宗北宗派下手不計拙與工超以象外得環中
胸有成竹笑文同烟雲變幻真無窮置身海濶與天空
虹霓吞吐忘窮通千巖萬壑羅心胸豈獨泰華恒衡嵩
新安山水固大好久客邦江人已老繪事堪與知者道
多感題詩見期抱何當共訪陶八八勝在塵寰閱窮達
落燈時節雨浪浪步韻詩成燭見跋

喜晤宗台澹齋孝廉光國

燕城同作客風景似山家宦海茫無際君官兩淮鹽大使浮生
信有涯勞人真草草世界本花花吾自行吾素簞瓢興

未賒

萬事皆前定相逢亦宿因招邀一明月來照兩吟人小
隱耽魚鳥高歌泣鬼神漫天落紅雨又賦惜餘春

爲蘇一帆

海

畫柳陰漁艇圖口占二十八字

雁字排空水接天柳陰深處泊漁船曉風殘月長消受
也算江湖一散仙

蜀岡脩禊歌

有序

同治十三年歲在甲戌上巳方子箴都轉邀予
同劉福山許叔平汪龍溪管才叔湯敦之吳禮
園諸君飲於蜀岡平山堂脩禊事也越三日正
逢都轉六十生辰因作長歌以紀勝遊兼祝壽

轉壽

三月三日天氣涼
箴翁脩禊平山堂
羣賢畢至少長集
山林鐘鼎形相忘
翁之盛業繼歐陽
揚州勝地重增光
隔江諸山到堂下
相排競進來稱觴
翁年正值周花甲
鳥奏音樂花飛香
公餘休暇脩禊事
采蘭水上除不祥
翁之樂者山林也
翁之賓客吾能詳
福山精爽久無匹
翁能與之相對敵
一著能爭國手先
此由天授非功力
叔平今之許宣平
文章有氣如龍騰
龍溪詞人畫亦好
徐黃花鳥兼其能
禮園沈酣七萬卷
萬戶之侯非所美
酒酣耳熱發高歌
公子翩翩世罕見
敦之病起聳吟肩

皎如玉樹臨風前才叔多才復多病脚氣未除難濟勝
寓齋倚枕愁攢眉有誰與汝安心竟老夫今年七十二
頭童齒豁貪遊戲一杯在手萬事休狂談不管人猜忌
會心天地大文章舉目古今好山水萬里難馴逐浪鷗
百年易過追風驥百千萬劫走眼花幕天席地何處家
留得廬山眞面目重看春草綠天涯人言金石堪長久
劫火燒來化烏有余刻帖石書板蓋爲兵火所廢何如翁著二知軒翁詩
集名二知軒世世流傳眞不朽桑榆暮景休問天三生石上
且參禪脫帽露頂王公前翺翔方外成詩顛飲翁酒歌
長篇是詩非詩渾不計心懷引玉先拋甌飲翁酒心怡

然流風餘韻前賢去何期
亂後逢華筵翁之壽算固無
量美門王喬同爭年要知此會非偶爾當與蘭亭脩禊
千秋傳

子茂都轉和余蜀岡脩禊長歌復用前韻奉答

邗江風景何蒼涼驚心白日去堂堂昔年騎鶴觀全盛
風華美麗真難忘曾觀芍藥園金帶那讓牡丹名洛陽
五步一樓十步閣珠簾繡幕搖生光時當上巳脩禊日
羣來曲水爭流觴人醉千塲明月照馬嘶十里春風香
奇花帶笑依傾國細草流芳號吉祥園林之盛甲天下
若非目見誰知詳忽來西寇狂無匹將軍雖勇非其敵

蜀岡樓閣化爲烽長驅不費吹灰力天心厭亂慶昇平
剩水殘山喜氣騰賢侯恢復不矜伐天下誰敢爭功能
君年六十詩卅卷瀛洲仙客人欽羨經營勝地萬象新
六一風流今復見公餘高聳山字肩酒龍詩虎爭來前
僕似維摩非病病驥壇旗鼓難爭勝長吟不足復歎嗟
管窺蠡測那知竟固也知十賜知二麻姑擲米耽遊戲
楞櫟庸材保天年英才每爲造物忌朦朧飛駕滄海波
芥舟飄泛堂坳水自慚狗尾難續貂不揣蠅頭思附驥
大千世界笑花花不知何處是吾家長辰美景忙倡和
渾忘作客在天涯世間何物能留久陵谷更遷亦何有

立德立功與立言君今誰得三不朽李自出門笑仰天
蘇晉醉中愛逃禪余墮塵寰成底事千磨百折到華顛
歌詞散落千百篇吟哦破瓦和殘甎余有殘甎破瓦歌數章黃鉞
不幸遭毀棄瓦釜雷鳴非偶然老僧來報鼠婦放爲我
特設伊蒲筵和詩時眞修長老適來約看牡丹設席以待故並及之驢背推敲年
復年浪仙幸遇昌黎傳

畫松陰話別圖贈張石安

德潤

並題二詩

山西江北路三千話別松陰意黯然他日紅塵功行滿
黃山携手看龍泉

南北兩宗一手持君之能事少人知環中未得嗟予老

還要高明頻指疵

題自畫山水

道人何事消長晝讀罷黃庭便作書久欲還山不得還
胸中邱壑發光惟飛流直下聲如雷萬古心胸到此開
石上仙人談未了一羣倦鳥投林來

題莫愁小影

張石安繪

流離終日坐愁城攻破愁城詩一罌幸得莫愁遺小影
鏡花渾月伴餘生

莫愁湖上勝棋樓兒女英雄第一流究竟英雄遜兒女
湖名讓爾占千秋

廿年未到莫愁湖
今見莫愁半幅圖
翠袖雲鬟依舊好
何妨權當一清娛
冰霜歷盡苦吟身
不遇奇花不見春
老去龍鍾誰念我
相依深感畫中人

張子岡作詩賀余生孫兼以留別次韻奉答卽題

其詩集

恩君屢寄書作答何遲遲
忽接一尺素如得珊瑚枝
君自行古道何能合時宜
捨滬將他適留別寄我詩
命意賀生孫琢句出神奇
謂我好弄翰樂此長不疲
謂我老益壯壽可臻期頤
愛我忘我醜逢人說項斯
讀君詩入

卷咀嚼甘如飴一水悵盈盈思君無已時寄食淮之南
無翼將何之

若詩簡質真浮華掃一切移孝而作忠彌滿具真力洗
髓兼伐毛得一真字訣盡早付剗剗世人定爭緝詩集
堆如山真詩不易得刪存三百篇意態何雄傑磨盾憤
草檄從戎常帶甲篤行動羣公敬君手加額筮仕爲養
親吉占不家食知已盡名流聲名世上達念予退步居
天空而海濶

余齋名天空
海濶之居

畫廬山飛瀑圖贈子剛並題一詩

西江返棹屈秋期策杖行吟有所思畫出匡廬千丈瀑

供君滌筆寫新詩

秋興四首用張子希韻

秋來散步繞迴廊老去豪情不自藏對月懷人思茂苑
觀濤感逝憶錢唐雁橫南牖客心迴菊粲東籬吟興長
獨枕瑤琴北窗卧十年夢未覺維揚

閱歷滄桑萬念灰微軀依舊落塵埃爲人貴賤非關命
涉世榮枯豈論才有酒學仙無學佛昔年非去今非來
秋高氣爽多佳日病眼頻揩讀玉杯

莫論留窮與送窮幕天席地卽仙官人能知足心常泰
詩解歸真句自工李白舉杯邀皓月廬陵作賦感秋風

語言文字雖非道一點靈光藉不空

山有薇兮水有魚飢餐渴飲樂何如憂懷千歲是癡者
劫過萬重非幸與流水行雲嗟浪迹天空海濶愛吾廬
問余何事消殘暑不弄丹青便學書

贈子希四首卽用子希韻

銀漢乘槎說姓張天孫雲錦織成章詞摹北宋兼南宋
詩學初唐與晚唐一片天機長不昧幾經兵亂總無傷
騷人從古多仙骨荷芰爲衣蓉作裳

燕去雁來都是客邦江又起鯉魚風休論英俊居人下
且喜高明入箇中遊境磨人增識力仙壇講藝極精通

于希善扶鸞供奉
呂祖已數十年
晨昏未放心閒暇
珠走晶盤約略同

記得當年汗漫游
村醪飲作釣詩鉤
梅邊相鶴尋和靖
湖上騎驢訪莫愁
到處青山常繫念
歸來白髮已盈頭
元龍豪氣傳湖海
合署頭銜瀟灑侯

秋光明媚興彌高
有感題詩掃兔毫
句未安時愁客至
枝無停候苦風撓
須知失馬翻爲福
莫待亡羊再補牢
海外無端來鐵甲
民生國計首頻搔

秋海棠用韓文川韻

所思遠道久淹留
淚灑牆陰不可收
貌出千嬌憐小樣
春來八月豔中秋
柔情豈信多酸態
幽質那能少別愁

腸斷香魂呼菊婢欲爲寫恨句難搜

詠雁用子希韻

蕪城又見雁南飛雁已來賓人未歸秋候如雲其謀食
蘆花似雪各攀依幾行奇字憑空造千里音書許久違
老去離鄉兄弟隔聞聲能不淚沾衣

自題柳溪垂釣圖

百年未覺三更夢一壑能專萬念灰羨煞柳溪垂釣者
曉風殘月泛舟來
湖邊楊柳無人折汀畔蘆花有客居祇要一竿長在手
何須彈鋏歌無魚

淮陰垂釣勝封侯一到封侯萬事休果使金鱗不負餌
漁人罔下釣魚鉤

隔湖漁隱垂垂老飄泊煙波七十年畫出千條萬條柳

濃陰好護打魚船

余別號隔湖漁隱

題自畫詩

一宵山雨百泉飛曳杖松間看翠微北苑南宮都不似
畫溪黃海兩依稀

八月霽霖朝復朝中秋只聽廣陵潮豈因腕底風雲湧
驚起蛟龍騰九霄

新安山水好娛人陽羨湖山秀絕倫底事淹留二分月

空將畫筆爲傳神

要知宇宙在吾手解脫根塵畫自靈不問荆關和董巨
來看江上數峰青

九日同張子猷子揚登高得詩二首

今年苦雨秋蕭瑟節到重陽天竟晴豈爲詩人太孤悶
故教佳日放光明登高快上三層閣眺遠難窮千里程
鄉國迢迢兄弟隔飛鴻偏向寓公鳴

重陽一過無佳節捷足先登萬佛樓往事無痕都似夢
及時行樂不悲秋峰來江上垂青眼帽落風前笑白頭
莫訝僧家茶當酒曇華世界賽瀛洲

九月初十日雨有感作歌

昨日重陽天放晴登高賦詩同友生歸來挑燈寫新作
老眼昏花筆又禿寫成兩首七言詩聊應同游諸子索
困來展脚眠胡床鷄聲喔喔雨浪浪游仙夢覺天纔曉
憑起披衣搜句忙人生萬事憑天斷忽得忽失何須患
晴卽登臨雨賦詩終朝樂此而不疲愚人見之笑智者
謂之痴頭童齒豁老將至家人生產全無知良田廣宅
廢不治抱膝長吟無已時空營身後寂寞事那及生前
屠沽兒日出而作日入息鼓腹而游含餽嬉詩人從古
多窮途李杜賈孟韓歐蘓達猶困厄窮可想徒留一編

青簡供羸魚君不見陳平宰肉爲王佐相如沽酒乘高
車長門一賦千金買千詩博得一錢無曷不呼吸精和
觀自在安神閭房思玄虛胡爲年過七十不好靜一筇
雙屐游康衢高聳山肩百事廢長吟密詠忘朝哺萬言
不及一盃水五字空斷數莖鬚帶有千金盲家無擔石
儲和根煮野菜帶葉燒濕蘆一寒至此猶歡娛吟聲不
絕毋乃迂我聞斯言爲軒渠今我何能忘故吾士各有
志不可奪傲骨嶙峋詩膽羸寧爲飢方朔不羨飽侏儒
彈琴要獲子期聽子期已杳牙琴孤吁嗟乎少陵高歌
鬼神泣玉局虔禱海市鋪陶潛乞食顏乞米至今盛傳

詩與書陶詩顏書自千古銅山金谷安在乎嗚呼銅山
金谷安在乎

九月二十二日雪航禪友送菊入盆詩以酬之
節過重陽將半月平山堂菊到簷前也知禿叟多豪興
特送霜枝供艷禪一粟庵中增氣色衆香國裏結詩緣
持螯把酒吟新句快寫溪藤寄素顛

于漢卿送洋菊詩以荅之

不見慧圓兩月餘通辭屢托雁傳書願來外國花三朵
正值下弦月一梳點點猩脣嬌欲絕絲絲鶴髮皓何如
此身已老花仍著結習而今笑未除

九月二十五日陳卿雲軍門國瑞招飲聞園賞菊

首倡七絕一章次韵奉和

從來忠孝作神仙
緯武經文歷歲年
晚節流芳人似菊
置身如在大羅天

輕裘緩帶仙乎仙
蓮轡種瓜經幾年
此是鵬搏六月息
扶搖卽上九重天

能來香谷卽如仙
何況龍驤駐十年
少陵今識南塘路
第五橋邊有洞天

我亦人間一散仙
翱翔方外古稀年
流離暮齒心猶壯
醉舞花前笑仰天

陳軍門招飲賞菊作詩六首贈之

將軍不好武賞菊約同人暢飲談風月高誦感鬼神亭
臺堪小隱松柏自長春此豈桃源洞漁郎許問津

晚節花何豔紛披似有情此中宜飲酒世外不談兵陶
令愛佳色靈均餐落英逍遙衆香國容我以詩鳴

清涼一居士湖上好騎驢閑學渭濱釣時臨魯國書灌
園勤抱甕解印便縣車探菊東籬下陶然賦遂初

鐘鼎山林會歡呼聚一堂主人雅愛客秋稌共流觴劍
氣冲牛斗嘯聲鳴鳳凰栽花兼種竹彷彿午橋莊

四壁圖書富千花氣色增座留方外友

蓮溪蓮舟飯飽

在家僧余別號在元著超凡筆軍門首倡一禪心無盡

燈軍門喜徐黃神妙手菊影寫溪藤蓮溪王小明鄭片

五君談禪合作五色菊花成一巨卷

風煙陽羨里書畫米家船余家在江南宜與城東有詩

石處書畫金搜句不知老忘言自樂天尋芳豈嫌遠訪勝必

爭先開口笑無已頭陀喜豔禪余自號天然頭陀有豔

十餘年矣

陳軍門聞園雅集叙

吁嗟平人生寄世不朽有三立德功言與天地參生
不虛生死不徒死垂光百世照耀青史是大丈夫是

眞男子如斯人者非比等閒安邦靖亂休戚相關
帝倚柱石民仰泰山當其未遇勞苦艱辛空乏拂亂
磨鍊成人處爲孝子出爲忠臣及其風雲際會仗鉞
專征野擊狐兔水斬鯢鯨殺賊平苗克復堅城紅旗
報捷四海澄清昔聞韓岳今見軍門軍門伊誰陳公
卿雲所向無敵少建功勲海碧天青烏盡弓藏解印
投閒夢繞沙塲端居休暇買宅維揚鑿池灌花疊石
爲岡駿馬嘶廐奇書滿床身如鵬息劍吐龍光花辰
月夕招友流觴依稀蘭亭彷彿南塘噫嘻吁功高不
賞人多忌之德動天鑒神祇護持獨立不懼正直無

私心專保赤身安守雌進黃石履從赤松嬉退歸田
里清淨無爲學仙飲酒消閒賦詩煙波垂釣東山彈
棋書臨鶴國魄力何雄詩不雕琢自然貫通此由天
授豈是人功經文緯武廣孝移忠猗與休哉何德之
隆同治甲戌九秋將畢堆菊爲山聞園雅集有酒盈
樽有花盈室有陶八八有殷七七有僧有儒有少有
老畫菊五君和詩幾叟我醉欲眠玉山自倒風吹夢
醒與夫負走歸來作叙爲軍門壽

張子岡贈詩次韵奉酬

家到奇窮出偉人時逢極亂識忠臣百年世事觀棋局

千古英雄隱釣綸
粉碎虛空成我體
金剛不壞是君身
歲寒而後知松柏
歷盡冰霜嘗苦辛

予同同吾兒功成南園登高作詩寄眎次韵荅之
南園舊游地九日曾登高一別忽三載離恨上眉梢
君從何方來惠然不費招登高而賦詩攜我小兒曹

讀史有感

怪事奇聞不可談
偷安旦夕竟心甘
無言口似銜枚馬
有幸身如脫繭蠶
救火抱薪真可憫
開門揖盜究何堪
憤來輒作長沙哭
快入深山結草庵

愚宋議和千古恨
鄂王豈合在人間
冤沉精衛難填海

力大巨鼇易戴山
雷閃雷鳴空作勢
粟空金盡且消閒
夢迷顛倒君休笑
遠慮近憂心不關

邗上得樸齋五弟手書詩以寄之

兄喜吟詩兼好畫
弟能緝武并經文
提刀殺賊掃千蠹
握筆作書精八分
何夜聯床重聽雨
今朝高枕獨看雲
細觀手扎神爲往
恍到申江見此君

十一月初三日陳卿雲軍門寄詠梅詩索和次韻

二首奉酬

扶桑三浴湧金盤
烘出繁花一大觀
月地雲階香撲鼻
冰魂雪魄鐵爲肝
孤標獨把天心挽
疏影宜從水面看

不羨羅浮仙子夢巡簷索笑百憂寬

爲愛揚州白玉盤梅開東閣十年觀天教冷豔吞霜雪
人被幽芳襲肺肝何遜重來增好詠襄陽尋到又貪看
自慚老眼常蒙霧剝得詩懷海樣寬

聞園小酌聽陳軍門談兵話舊作詩二首奉贈四

壘前韻

懸龍仙客吐銅盤幻境皆當作是觀爲秉誠心兼至性
方能捭膽復披肝名留鳳闕千秋著身畫麟臺萬世

看雲夢氣吞常八九驅蝗禱雨猛中寬

軍門鎮守
江淮時事

蛇矛不用手中盤應變隨機憑一觀當輻螳螂猶有臂

跳梁鼠輩豈無肝浩然氣得乾坤正
燾爾倂如螻蟻看
談笑指揮妖孽掃陣雲散去海天寬

十一月十五夜月當頭陳軍門得詩見眎次韻奉

和

陽生冬至後月正當頭縣人影不在地靈光直接天百
年能幾見一夕望常圓獨戴清輝立高吟康阜巖

次韻奉和方都轉周甲添丁志喜之作

問翁何事喜揚眉三索得男周甲時天上石麟原有種

夢中雲鳳又徵奇懸弧正值耆英會

時曾九帥英制軍來刊上都轉延至

儀董軒飲酒高會故及之

彌月爭傳降誕詩道德文章當克紹祥光

高照董賢

謬待月謬在儀
董軒之側

十一月二十日方子箴都轉邀余與許叔平吳晉

壬管才叙吳禮園湯敦之爲消寒小集聯句得

寒窗雜感七古六首

袁江歸來天又雪

子箴

客中重過長至節扁舟夜泛廣

陵湖

晉王朔風亂颭瓊瑤屑滄波不動寒雲低

禮園玉

龍倒挂雷塘西頭番却比去年早

玉谿十月十六日始
雪較去年早半月

釘頭萬瓦堆頗黎官閣鑿吟集時彥

敦之

寸鐵不持酬

白戰玉樓凍合山字肩

叔平

傲骨翻云狐貉賤

子箴

北來寺北哀鴻噉

箴

黃河南徙翻洪濤蛟龍踞足入淮

甸晉千里一瀉聲滔滔流離襁褓饑滿路禮以工代賑

急先務汪洋了無立足地玉下邳民爲麥秋誤坐令比

舍炊煙空敦播遷誰憐亡是公願頷相對態懷絕叔

粥難使枵腹充箴

君胡不讀散米說箴至理名言溯前哲黃公論著十一

善音地是似爲今日設我公獨抱痼瘵心禮不假胥吏

防吞侵將軍本來號佛子玉慈祥愷悌輸悃忱謂朱顯庭參戎

災黎各分大倉俸敦實惠均沾普稱頌粒米珍過粒粒

珠叔老饕捫腹還自訟箴

長安故交無幾人箴司農清望邁等倫謂宋雪帆丈孤寒下

淚其翹首

晉

吁嗟賤子元酸辛軟紅落拓荷推解

禮

我

亦攢眉悲李薦

李叔彥觀察爲司農門下士先一月歸道山

公門桃李竟調

殘王

知與不知同涕灑更聞列岳感停雪

敦

憶昔氎氎

窺鴻文

已亥落第之後讀司農獲售文極折服

典型如公近罕匹

叔

盍簪

兩兩傷離羣

箴王蔭棠廷尉相繼殂謝虞叔兩有杏莢盍簪圖

有客有客病脚氣

箴管才叔屢患脚氣

脩襖消寒皆不至我家宅

相稱詩豪

晉

天留此病爲之崇婆婆斗室假清娛

禮

豔

禪任人嘲老夫抱孫復赴湯餅會

王予今夏抱孫箴翁周甲添丁甫彌月

雲谿返棹瞻懸弧惜哉王老負游約

謂謙齋

逃社故應

有所託側身遙望小輞川

叔

苦寒不上晴空閣

箴

息哀園主今歲來歲兩年未得陪尊巒平山谷林和佳

什晉凌風一笑梅花開清詞麗句屹相向禮終日胡盧

畫依樣搬薑運水顛若何玉何似高齋互酬唱沈沈鼓

已敲二更敦耽吟更有太瘦生敦卧病初起繁余老懶強微

逐叔拈毫呵凍羞彌明歲

次韻和寒窗雜感聯句六首呈方都轉

龍公試手行初雪成語十月初交小雪節時當冬至一

陽生又見漫天飛玉屑四野一白迷高低鼓吹遙聞出

竹西我似浪仙吟興發敲推驢背逢昌黎坐中佳士皆

邦彥騷壇旗鼓同酣戰酒酣耳熱舞且歌忘却窮通與

貴賤

哀鴻徧地聲嗷嗷黃河東來驚波濤天水人水渾莫辨
大地欲沒天欲涓河欲回南無歸路泛濫難爲治河務
河無歸宿河豈平作事不豫鮮不誤河所到處閭閻空
疏河濟衆仗羣公人渴望梅猶可止民饑畫餅豈能充
天災流行不可說以工代賑遵先哲民爲邦本官民天
常平倉爲賑飢設好生之德本天心下民何故被災侵
世界如今多變異人心不古少忠忱河臣近亦無多偉
盡心竭力民爭頌行所無事功乃成何用紛紛如聚訟
故交零落無多人方朔雄節推邁倫笑余老去仍爲客

身如蠶白甘受辛難自排兮紛自解民有鳩兮國有鷹
刀兵水火過等閒雪月風花足瀟灑不義富貴爲浮雲
睥睨天地見大文少陵胸中有廣廈舍南舍北來鷗羣
晉王作詩有奇氣何處翩翩騎鶴至敦之才叔負英豪
無奈病魔纏作祟叔平著書聊自娛時刊里乘已告竣禮園韵
語追達夫夢園鼓說纔脫稿石麟又降歌懸弧箴翁著夢園
鼓說已成又慶周消寒聯句尋舊約言中有物非空托
甲添丁之喜

幸從何遜在揚州雪後觀梅醉東閣

何郎好詠破空來梅花相與共尊罍

成語

國計民生長

在抱抑塞心胸借酒開感時慨事心專向寬濶詩懷如

海樣主人停筆客。搆思官燭搖紅發。高唱譙樓鼓已報。
三更窓外寒風颯。颯生雲破月來照積雪。歸途仰見銀
河明。

次韻奉和王君雪香寄懷之作

滬上故人不我疎。同心何忍久離居。詩仙老去真無敵。
草聖重來若箇如。鄧尉寒梅密花未。揚州明月鱗波餘。
朋儕零落晨星少。珍重琳瑯尺素書。

次韻奉和楊君佩甫寄懷之作

頭陀行脚老猶輕。臨水登山策杖行。何日來游谷林勝。

谷林堂

與君同詠月華明。三年海上開詩社。一笑花前

有詩陶

卷之二十一

結酒量無限離愁銷不去厭聞鵲噪報新晴